

修訂日期: 2009/04/23 發行日期: 2009/5/9  
發行單位: 中華電子佛典協會 (CBETA) <http://www.cbeta.org>  
資料底本: 大正新脩大正藏經 Vol. 20, No. 1183  
原始資料: 蕭鎮國大德提供, 北美某大德提供

## No. 1183

### 一髻文殊師利童子陀羅尼念誦儀軌

𑖀𑖔𑖪𑖩𑖫(引)𑖔𑖪𑖩𑖫𑖔𑖪𑖩𑖫(室哩(二合)𑖔𑖪𑖩𑖫(平聲)(一)  
𑖔𑖪𑖩𑖫𑖔𑖪𑖩𑖫(鼻引)𑖔𑖪𑖩𑖫𑖔𑖪𑖩𑖫(引)𑖔𑖪𑖩𑖫𑖔𑖪𑖩𑖫(二)  
𑖔𑖪𑖩𑖫𑖔𑖪𑖩𑖫(他(引)𑖔𑖪𑖩𑖫(引)𑖔𑖪𑖩𑖫(室哩(二合)𑖔𑖪𑖩𑖫(去引)𑖔𑖪𑖩𑖫𑖔𑖪𑖩𑖫(四)  
𑖔𑖪𑖩𑖫𑖔𑖪𑖩𑖫𑖔𑖪𑖩𑖫𑖔𑖪𑖩𑖫(五)  
𑖔𑖪𑖩𑖫(上)𑖔𑖪𑖩𑖫𑖔𑖪𑖩𑖫(鼻)𑖔𑖪𑖩𑖫𑖔𑖪𑖩𑖫(二合)𑖔𑖪𑖩𑖫𑖔𑖪𑖩𑖫(三(去)𑖔𑖪𑖩𑖫𑖔𑖪𑖩𑖫𑖔𑖪𑖩𑖫𑖔𑖪𑖩𑖫(二合)𑖔𑖪𑖩𑖫

爾時文殊師利法王子於大眾中說此陀羅尼已。十方世界一切如來。諸天龍八部。一切大眾咸共讚言。善哉善哉文殊師利童真菩薩摩訶薩。汝以大悲願力。於惡世中為欲矜愍薄福有情故。善能演說此不可思議如意摩尼妙法寶藏。饒益有情作無盡福利。爾時文殊師利告大眾言。我於過去佛所授得此陀羅尼。每於滅劫眾生福盡之處即宣說。令彼惡世善男子善女人比丘比丘尼優婆塞優婆夷求菩提道。導一切眾生速令成就一切善事。越度生死大苦海故。勸令受持神妙章句。若善男子善女人晝夜精勤。常誦此陀羅尼憶念不忘。或但稱讚不思議力。勸化他人令其信受。至心持誦此陀羅尼。行饒益行。是善男子善女人。無始已來所有一切五無間等諸惡罪業悉皆消滅。永不沈淪生死大海。永無三塗惡道之怖。隨所生處得宿命智。六根清淨諸相具足。妙色端嚴威德熾盛。所求皆得。先持諸餘真言。一切悉皆成就。凡所施為無不殊勝。若能受持此陀羅尼者。先曾毀犯尸羅三業虧失。悉得清淨。消除一切破戒罪業。永離惡道常生人天。諸根調柔智惠清淨。一切事中悉得通利。於正法中得深信力。所有言說聞者信受。於怨敵中常得殊勝。一切怨家永息惡心不能相害。一切天龍常隨擁護。任運成就廣大福德。見者竇伏。以我悲願深厚無盡福惠饒益一切眾生。十方如來諸大菩薩之所護念。眾聖加持。誓願力故。一切解脫無不成就。我今復說。受持此陀羅尼。畫像道場供養儀式求成就法行者。應先擇願宿曜吉祥之日。畫人受持八戒潔淨。於白縑上或絹素上。畫一髻文殊師利菩薩童子形。金色半跏坐千葉白蓮花上。左手執青蓮華。華上有如意摩尼寶珠。右手指掌向外垂下五指作滿願印。熙怡微笑。種種珠鬘頭冠瓔珞莊嚴其身。畫此像已。於一淨室塗拭方壇。從內向外三院布位。安置十七尊。具如如五字輪瑜伽法中所說。應以上妙香美餅菓子精誠供養。置此像於壇東面。行者西面。向東對像。應取白月八日起首念誦。每日誦前真言八百遍或一千遍。便於像前臥一心思念我文殊取睡。則於夢中必見文殊作小童子形。若見此相。當知已蒙加被。諸願心成。



又有藥名摩訶弭多(此藥出蜀地)。若有大風大雨霖霖久不晴明者。前件二藥共置一處。用身真言加持此二藥八千遍。擲上虛空中。風雨便止。時若炎旱無雨。取數沙波多那加持八千遍。擲散於有龍水中。便即大雨即下。又法將持此加持藥散大戰陣中。一切刀杖弓箭無堪用者。設用定不傷害。若散置草中或樹林或一切田苗稼中者。悉無虫類能傷損者。若散石窟中或竹林間或粳米及餘五穀田中。便即增多取之無盡。若散自身頭上。一切鬪諍之處皆得殊勝。若入王宮乃至大臣家諸百官家。悉皆得奉命恭敬。若散商人賈客之中。貨物并無竊盜。凡是賊徒不能侵奪。若散擲四方。一切鬼神夜叉羅刹及諸妖魅不能為害。若散失火之處。火便自滅不能燒物。若散水中。則便停流不動。更有眾多餘法。不能盡說。但得前法成就有驗。已後隨自意作者皆成。不勞遍說。決定無疑。此真言有大威德光明不思議力。難可度量。念誦成就者除不至心。

### 一髻文殊童子速成就無盡寶藏經

此經上元元年九月十八日。婆羅門嚩日羅(二合)麼拏庾灑(二合)唐云金剛福壽。於秦州開元寺輪寺三院□□□貞元十七年三月翻經沙門再過□□八破內忠州薩使君宅。見天竺僧封勘定入藏記。

姣舊住尊者導師過去日月燈明如來傳法聖者八王子之化導之師釋迦如來九世祖師。東方金色世界龍種上智尊王如來胎藏海會四波羅蜜之中第二尊四方四佛如來智母大日如來同體別身也身在法界一照三世眾聖之母一切慈母發菩提心者為證果之依處源本者也。

文殊慈護真言

唵沒馱昧怛哩(引)耶乞灑(二合)憾(犯土之所可誦也)

文殊師利忿怒陀羅尼

唵嚩日羅底乞叉拏(三合)俱盧(二合)馱瞋那瞋那吽吽

用此真護身辟除結界。淨諸香花及一切供具等。普當願眾生遇此教。曼殊當知識。速證般若功智。疾成無上兩足尊。

文殊治瘡呪

那莫薩婆勃(入)馱南阿指多耶諾步多嚩比[口\*拏]唵[宋-木+(止/少)]哩娑婆訶

七佛藥師經中瘡病心呪

怛姪他惡窶莫怛囉窶麼麼窶具麗訶呼(去)[西\*孟](去)末羅末羅末羅豎樹囉布囉莎訶奉誦七佛名並十二神將名。唱書此呪繫之肘後。若差已置清淨所(云云)。

善名勝吉祥王如來。

室月智嚴光音自在王如來。金色寶光妙行成就如來。無憂最勝吉祥王如來。法海勝惠遊戲神通如來。藥師瑠璃光如來。

藥叉呪

唵(一)俱毘羅(二)莎訶

康和三年三月七日書了 賢覺

右奉為先妣尊靈出離生死往生極樂也

一校了 以座主御房御本也